

**ZAPISNIK
SA XXII REDOVNE IZBORNE SKUPŠTINE
UDRUŽENJA POSLODAVACA U
FEDERACIJI BOSNE I HERCEGOVINE**

Z A P I S N I K
SA XXII REDOVNE IZBORNE SKUPŠTINE
UDRUŽENJA POSLODAVACA U FEDERACIJI BOSNE I HERCEGOVINE
održane 22. april 2025. godine, Hotel Hills u Sarajevu

Skupštinu je otvorio direktor Udružena poslodavac u FBiH Mario Nenadić i uputio uvodnu riječ dobrodošlice članovima Skupštine.

Direktor UPFBiH je pozdravio sve prisutne i zahvalio se na prisustvu visokim zvanicama, predstavnicima vlasti na svim nivoima, sindikata, poslodavaca, rukovodiocima javnih institucija i agencija, međunarodnih organizacija, članica Udruženja iz čitave Federacije BiH i svim drugim gostima iz Bosne i Hercegovine.

Prije nego što se prešlo na radni dio Skupštine, učesnicima su se obratili predsjednica Federacije BiH **gđu. Lidija Bradara**, zastupnica u Predstavničkom domu Parlamentarne skupštine BiH i predsjedavajuća Zajedničke komisije i razvoj Parlamentarne skupštine BiH, **gđa. Ermina Salkičević – Dizdarević**, predsjednik Ekonomsko-socijalnog vijeća za teritoriju FBiH, **gosp. Safudin Čengić**, predsjednik Saveza samostalnog sindikata BiH, **gosp. Samir Kurtović**, **gosp. Mladen Pandurević**, novoimenovani ministar komunalne privrede, infrastrukture, prostornog uređenja, građenja i zaštite okoliša u KS i dugogodišnji direktor UPFBiH, te **Muhamed Žero**, vlasnik uspješne kompanije „Praktik“ iz Vogošće, dobitnik 6.aprilske nagrade Grada Sarajeva i autor knjige Zbirka sevdalinki kao dio BH kulturne baštine

Nakon obraćanja gostiju obratio se Predsjednik Skupštine Boris Kamšigovski i uputio uvodnu riječ dobrodošlice članovima Skupštine, te otvorio radni dio Skupštine. Predsjednik Skupštine je predložio da se prije usvajanja dnevnog reda izvrši izbor verifikacione komisije.

Za članove komisije predloženi su Jasmina Muratović i Vedrana Živković. Zadatak komisije je da prema listi prisutnih utvrdi da li ima potreban kvorum za rad. Obirom da nije bilo novih prijedloga donesen je sljedeći:

ZAKLJUČAK: Prijedlog da Jasmina Muratović i Vedrana Živković budu članovi verifikacione komisije usvojen je jednoglasno. Predsjednik je zamolio verifikacionu komisiju da izvjesti Skupštinu koliko prisutnih delegata ima na Skupštini.

Prema izvješću verifikacione komisije predsjednik Skupštine je konstatovao da je na Skupštini prisutno 80 delegata. Obzirom da je prema članu 26. Prečišćenog teksta Statuta kvorum za rad 2/3 (najmanje 40) prisutnih članova, konstatovano je da Skupština ima kvorum za rad i da može punovažno odlučivati.

Predsjednik Skupštine je predložio sljedeći:

DNEVNI RED

1. Imenovanje verifikacione komisije, zapisničara i dva ovjerivača zapisnika;
2. Razmatranje i usvajanje zapisnika sa prethodne Skupštine UP FBiH;
- 3. Razmatranje i usvajanje;**
 - a) Prijedloga Izvještaja o radu UP FBiH za 2024. godinu (izvjestilac: Adnan Smailbegović, predsjednik UO);
 - b) Prijedloga Finansijskog izvještaja UP FBiH za 2024.godinu, (izvjestilac: Mario Nenadić, direktor UP FBiH);
 - c) Prijedloga Izvještaj o radu delegacije UPFBiH u ESV-u za teritoriju FBiH (izvjestilac: Adnan Smailbegović, predsjednik UO);
 - d) Prijedloga Plana rada UP FBiH za 2025. godinu (izvjestilac Adnan Smailbegović, predsjednik UO);
 - e) Prijedloga Finansijskog plana za 2025. godinu (izvjestilac: Mario Nenadić, direktor UP FBiH);

4. Donošenje Odluka o razrješenju članova organa:

- a) Predsjednika i 2 (dva) zamjenika predsjednika Skupštine UPFBiH;
- b) Članova Upravnog odbora UPFBiH;
- c) Lica ovlaštenog za zastupanje i predstavljanje UPFBiH;
- d) Članova delegacije u Ekonomsko - socijalnom vijeću za teritoriju FBiH;

5. Izbor i imenovanje:

- a) Predsjednika i 2. (dva) zamjenika predsjednika Skupštine UPFBiH;
- b) Članova Upravnog odbora UPFBiH;
- c) Lica ovlaštenog za zastupanje i predstavljanje UP FBiH;
- d) Članova delegacije u Ekonomsko socijalnom vijeću za teritoriju FBiH;

6. Tekuća pitanja

Predsjedavajući je upoznao delegate da su za sve tačke dnevnog reda dobili materijale i zamolio ih da se izjasne da li prihvataju predloženi dnevni red.

Obzirom da nije bilo primjedbi i novih prijedloga donesen je sljedeći:

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA

Tačka 1. Izbor zapisničara i ovjerivača Zapisnika

Predsjednik Skupštine je izvjestio da je predloženo da zapisničar bude Mersiha Jusić, a ovjerivači zapisnika Suhad Ećo i Enver Malagić.

Obzirom da nije bilo primjedbi donesen je sljedeći:

ZAKLJUČAK: Prijedlog da zapisničar bude Mersiha Jusić, sekretar UPFBiH, a ovjerivači zapisnika Suhad Ećo i Enver Malagić usvojen je jednoglasno.

Tačka 2. Razmatranje i usvajanje Zapisnika sa XXI redovne Skupštine UP FBiH

Predsjednik Skupštine je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći

ZAKLJUČAK: Zapisnik sa XXI redovne Skupštine UPFBiH usvojen je jednoglasno.

Tačka 3. Razmatranje i usvajanje

- a) Prijedloga Izvještaja o radu UP FBiH za 2024. godinu (izvjestilac: Adnan Smailbegović, predsjednik UO);
- b) Prijedloga Finansijskog izvještaja UP FBiH za 2024.godinu, (izvjestilac: Mario Nenadić, direktor UP FBiH);
- c) Prijedloga Izvještaj o radu delegacije UPFBiH u ESV-u za teritoriju FBiH (izvjestilac: Adnan Smailbegović, predsjednik UO);
- d) Prijedloga Plana rada UP FBiH za 2025. godinu (izvjestilac Adnan Smailbegović, predsjednik UO);
- e) Prijedloga Finansijskog plana za 2025. godinu (izvjestilac: Mario Nenadić, direktor UP FBiH);

Predsjedavajući je upoznao prisutne da na osnovu člana 24. Prečišćenog Statuta Udruženja poslodavaca FBiH, Skupština usvaja izvještaje koje je, na osnovu člana 31. pripremio Upravni odbor.

Također upoznao je prisutne sa svim podtačkama dnevnog reda. Istakao je da su na dnevnom redu izvještaji i programi za 2024 i 2025. godinu.

Predsjednik je predložio da se podtačke a) do e) razmatraju zajedno, a nakon toga da se pojedinačno izjašnjava po svakoj od njih.

Predložio je također da se za tačke od a) do e) prezentiraju izvještaji pa program rada i finansijski plan, onako kako slijede po dnevnom redu.

Predsjedavajući Skupštine je pozvao predsjednika Upravnog odbora, gospodina Adnana Smailbegovića, da izvijesti prisutne o podtačkama a), c) i d).

Nakon što je predsjednik Upravnog odbora prezentirao Izvještaje predsjedavajući Skupštine je pozvao Maria Nenadića, direktora UPFBiH da izvjesti prisutne o podtački b) odnosno o Finansijskom izvještaju za 2024.godinu, a potom o Finansijskom planu UPFBiH za 2025. godinu.

U svom izvještavanju predsjednik UO UPFBiH Adnan Smailbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje ciljeva.

Nabrojao je i neke od najznačajnijih aktivnosti Udruženja u protekloj godini kao što su:

- Upućena inicijativa „**Povećanje plaće za 400 KM na koje se ne plaćaju porezi i doprinosi**” - Izmjene i dopune Zakona o porezu na dohodak FBiH kao privremeno rješenje do donošenja sistemskih zakona.
- Stalno insistiranje na donošenju **Zakona o porezu na dohodak, Zakona o doprinosima i Zakona o porezu na dobit**.
- Upućena inicijativa za izmjenu propisa koji se odnose na **zdravstveno osiguranje**.
- UPFBiH direktno učestvovalo u pripremi **Zakona o posredovanju u zapošljavanju i socijalnoj sigurnosti nezaposlenih osoba** (Zakon usvojen u oba doma Parlamenta FBiH, otvorena javna rasprava - dostavili komentare i prijedloge).
- UPFBiH direktno učestvovalo u pripremi **Zakona o zapošljavanju stranaca** kojim se pojednostavljuje procedura zapošljavanja stranaca (Zakon usvojen u oba doma Parlamenta FBiH, otvorena javna rasprava - dostavili komentare i prijedloge).
- Formirana Radna grupa koja je analizirala **Nacrt zakona o fiskalizaciji transakcija u Federaciji BiH** i sačinila primjedbe i komentare na Zakon.
- Upućena inicijativa za potpisivanje **Sporazuma o planu implementacije širih fiskalnih reformi sa Vladom Federacije BiH**.
- Aktivno učešće u izradi **Zakona o unutrašnjoj trgovini, Zakona o zaštiti potrošača, Zakona o kontroli cijena i Zakona o e-trgovine**.
- Nastavljen projekat "**Zaključavamo cijene**", koji je nastojao stabilizirati cijene osnovnih životnih namirnica, čime se smanjuje pritisak na privredu i građane.

- Upućena inicijativa za hitne izmjene kantonalnih i općinskih propisa u Federaciji BiH, kojima će se staviti van snage odredbe o utvrđivanju i naplati **komunalne takse za istaknutu firmu**, a sve u skladu sa Odlukom Ustavnog suda BiH.
- Upućena inicijativa za izmjene **Krivičnog zakona FBiH**.
- Upućena inicijativa za izmjene **Zakona o izvršnom postupku**.
- Zahtjev za donošenje **odluke o ograničavanju povećanja cijene električne energije za privredna društva**.
- Upućena inicijativa za dopunu **Odluke o privremenoj suspenziji i privremenom smanjenju carinskih stopa kod uvoza određenih roba do 31.12.2025. godine**.

Što se tiče Izvještaja ESV- a za teritoriju FBiH za proteklu godinu predsjednik UO UPFBiH Adnan Smailbegović napomenuo je da rad ESV-a nastavljen nakon višegodišnjeg zastoja. UPFBiH kontinuirano insistiralo na uspostavi socijalnog dijaloga u FBiH, što je rezultiralo ponovnim pokretanjem rada ESV-a krajem 2024. godine, održavanjem konstituirajuće **sjednice 23. decembra 2024. godine**. U periodu od decembra 2024. do februara 2025. godine, **održano je šest sjednica**. Ključna tema sjednica odnosila se na **donošenje i provedbu Odluke o iznosu najniže plaće za 2025. godinu i smanjenje opterećenja cijene rada na teret poslodavaca**. UPFBiH predstavilo sveobuhvatan set stavova i zahtjeva s ciljem ublažavanja negativnih efekata nove odluke na poslovnu zajednicu. **Aktivno učešće u pripremi:** Uredbe o isplati pomoći radnicima od strane poslodavaca, Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji BiH u cilju održavanja postojećih radnih mjesta za 2025. godinu i Uredbe o mjerama finansijske pomoći niskoakumulativnim djelatnostima u FBiH u cilju održavanja postojećih radnih mjesta za 2025. godinu, **koje su imale za cilj olakšati primjenu Odluke o iznosu najniže plaće za 2025. godinu**.

Zatim se osvrnuo na prijedlog Programa rada UPFBiH ističući da će Udruženja poslodavaca u 2025. godini svoje aktivnosti usmjeriti na:

- usvajanje fiskalnih propisa,
- Unaprjeđenje ekonomsko-socijalnog dijaloga sa vlastima i jačanje institucije ESV-a
- Nastavak kolektivnog pregovaranja sa sindikatima.
- Usvajanje Zakona o posredovanju u zapošljavanju I socijalnoj sigurnosti nezaposlenih osoba i reforme u posredovanju u zapošljavanju i evidencijama nezaposlenih osoba (razdvajanje evidencija aktivnih i pasivnih tražilaca posla i posebno unaprjeđenje evidencija nezaposlenih osoba za ostvarivanje zdravstvenog osiguranja i drugih prava).
- Reforme u oblasti zdravstvenog osiguranja i zaštite (smanjenje tereta bolovanja na račun poslodavaca, povrede na radu i dr.).

- Usklađivanje sistema obrazovanja sa potrebama tržišta rada - kroz aktivnosti federalnog i kantonalnih ministarstava.
- Unaprjeđenje sistema proizvodnje, prodaje i korištenja električne energije iz obnovljivih izvora i dr.

Direktor Mario Nenadić je izvjestio članove Skupštine da je prijedlog finansijskog izvještaja javan i transparentan i da se nalazi na web stranici UPFBiH. Osvrnuo se na prihode i rashode Udruženja u 2024. godini.

Što se tiče finansijskog plana za 2025. godinu direktor Mario Nenadić je istakao kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za kvalitetan rad Udruženja poslodavaca u FBiH.

Nakon izloženog, Predsjednik Skupštine je otvorio diskusiju. U okviru diskusije nije bilo prijedloga niti primjedbi na materijale za tačke dnevnog reda.

Nakon diskusije predsjedavajući Skupštine je stavio Prijedloge materijala na glasanje i nakon glasanja konstatovao sljedeće:

ZAKLJUČKE:

A.D. 3.a. Izvještaji o radu UPFBiH za 2024. godinu je jednoglasno usvojen u predloženom obliku.

A.D. 3.b. Finansijski izvještaj UPFBiH za 2024. godinu je jednoglasno usvojen u predloženom obliku.

A.D. 3.c. Izvještaj o radu ESV- a za teritoriju FBiH 2024. godinu je usvojen većinom glasova sa jednim suzdržanim u predloženom obliku.

A.D. 3.d. Program rada UPFBiH za 2025. godinu je jednoglasno usvojen u predloženom obliku.

A.D. 3.e. Finansijski plan za za 2025. godinu je jednoglasno usvojen u predloženom obliku.

Prije nego što se prešlo na 4. i 5. tačku Predsjednik Skupštine je predložio da se, odluke o razrješenjima i novom izboru i imenovanjima prvo razmatraju i da će se donijeti u paketu nakon obavljenih rasprava,

Prisutni su podržali prijedlog Predsjednika.

Tačka 4. Donošenje Odluka o razrješenju članova organa zbog isteka mandata:

- a) Predsjednika i 2 (dva) zamjenika predsjednika Skupštine UPFBiH;
- b) Članova Upravnog odbora UPFBiH;
- c) Lica ovlaštenog za zastupanje i predstavljanje UPFBiH;
- d) Članova delegacije u Ekonomsko - socijalnom vijeću za teritoriju FBiH;

Vezano za ovu tačku dnevnog reda predsjedavajući Skupštine je napomenuo da su materijale dobili pravovremeno. Također, istakao je Skupština UPFBiH treba da donese Odluke koja se odnosi na razrješenje članova organa Udruženja : Predsjednika i dva zamjenika predsjednika Skupštine UPFBiH, 21 člana Upravnog odbora UPFBiH,, Lica ovlaštenog za zastupanje i predstavljanje UP FBiH, te članova delegacije ispred Udruženja u Ekonomsko-socijalnom vijeću FBiH.Svima nam je jasno da se radi o redovnoj izbornoj Skupštini i odluke su donešene u skladu sa Statutom UPFBiH te upoznao prisutne da se prijedlozi Odluka nalaze na ekranu, tako da imaju detaljne informacije ko se razrješava dužnosti. Dakle, predlog Odluka o razrješenju dužnosti je sljedeći:

a) Predsjednik Skupštine i dva zamjenika Predsjednika Skupštine

Razrješavaju se dužnosti predsjednik Skupštine Boris Kamšigovski i dva zamjenika predsjednika Skupštine Aida Fojnica i Igor Baroš.

b) 21 član Upravnog odbora:

Razrješavaju se dužnosti 21 član UO UPFBiH i to: Adem Hanić, Adnan Smailbegović, Behrija Huseinbegović, Damir Vidačak, Džemal Hasković, Edin Ibrahimpašić, Edin Jabandžić, Enver Malagić, Jadranka Penava, Kemal Čolak, Ladislav Bevanda, Mujo Hasić, Nihad Imširović, Nedžad Siočić, Nijaz Skenderagić, Rasim Memagić, Samir Mustafić, Šejla Bojadžija, Snježana Köpruner, Tomislav Majić i Tomislav Vrdoljak.

c) Lica ovlaštenog za zastupanje i predstavljanje:

Adnan Smailbegović se razrješava dužnosti lica ovlaštenog za zastupanje i predstavljanje.

d) Sedam članova delegacije Ekonomsko socijalnog vijeća za teritoriju Federacije BiH:

- Adnan Smailbegović
- Mario Nenadić
- Josip Kraljević
- Senad Džambić

- Snježana Köpruner
- Venan Hadžiselimović
- Zoran Gazibarić

Predsjednik je otvorio diskusiju. Nakon diskusije prešlo se na razmatranje tačke 5. dnevnog reda.

Točka 5. Izbor i imenovanje:

- e) Predsjednika i 2. (dva) zamjenika predsjednika Skupštine UPFBiH;
- f) Članova Upravnog odbora UPFBiH;
- g) Lica ovlaštenog za zastupanje i predstavljanje UP FBiH;
- h) Članova delegacije u Ekonomsko socijalnom vijeću za teritoriju FBiH;

Gdin. Predsjedavajući je zamolio Predsjednika UO Adnana Smailbegovića da izvjesti prisutne o prijedlozima. Također je napomenuo da se u skladu sa Statutom Udruženja poslodavaca FBiH i Kriterija za izbor i imenovanje u organe Udruženja poslodavaca FBiH, Ekonomsko socijalnog vijeća FBiH, formirala Komisija za Izbor koja je na osnovu dostavljenih prijedloga vodilo računa da se prilikom predlaganja kandidata, obezbjedi što ravnomjernija zastupljenost po osnovu reprezentativnosti i djelatnosti članova, te regionalna, nacionalna i spolna zastupljenost. Gdin.

Adnan Smailbegović je izvjestio prisutne o prijedlozima kandidata:

a) Prijedlog kandidata za predsjednika i dva zamjenika Predsjednika Skupštine Udruženja poslodavaca u FBiH su Amel Kovačević, te zamjenici predsjednika Skupštine, Boris Kamšigovski i Igor Baroš

b) Prijedlog kandidata za 21 član Upravnog odbora su:

1. Adem Hanić, TMD GROUP, Gradačac
2. Bariša Šušnjar, BINVEST D.O.O. Posušje
3. Behrija Huseinbegović, MAKAMA D.O.O. Bugojno
4. Berina Bajrović, EUROPE GROUP, Sarajevo
5. Damir Vidačak, ASOCIJACIJA PODUZETNIKA HERCEGOVINE
6. Džemal Hasković, DŽEKOS D.O.O. Sarajevo
7. Edin Emšo, DHL INTERNATIONAL D.O.O. Sarajevo
8. Haris Ćoralić, OPAL COMECE D.O.O. Bihać
9. Igor Marković, NSOFT D.O.O. Mostar
10. Katarina Kafadar, OVNAK D.O.O. Vitez
11. Ladislav Bevanda, HERING D.D. Široki Brijeg
12. Mehta Nikil Himatlal, ARCELORMITTAL D.O.O, Zenica
13. Mahmut Galijašević, MANN+HUMMEL, Tešanj
14. Mujo Hasić, VARIPLAST D.O.O. Gračanica

15. Nagib Mujkić, TISAKOMERC D.O.O. Žepče
16. Nihad Imširović, KONZUM D.O.O. Sarajevo
17. Salih Lemeš, ALTERNATIVA D.O.O. Sarajevo
18. Samir Mustafić, ASA BANKA D.D. Sarajevo
19. Senad Džambić, BINGO GROUP, Tuzla
20. Tomislav Vrdoljak, LIVNO PUTOVI D.O.O. Livno
21. Zijo Tanjo, Udruženje poslodavaca BPK

c) Prijedlog za lice ovlašteno za zastupanje:

Predsjednik UO kojeg iz svog saziva imenuje UO na prvoj narednoj konstituirajućoj sjednici a do imenovanja predsjednika privremeno tu funkciju obavlja Mario Nenadić, direktor Udruženja poslodavaca koji je već po dužnosti upisan u Registar Udruženja.

e) Prijedlog za članove delegacije u ESV-u su:

- PREDSJEDNIK UO UP FBiH po dužnosti,
- Mario Nenadić, DIREKTOR UP FBiH po dužnosti
- Adnan Smailbegović, WOODTEAM D.O.O. Ilijaš
- Rasim Memagić, ALMA RAS D.O.O. Olovo
- Snježana Köpruner, GS-TMT, Travnik
- Venan Hadžiselimović HIFA OIL D.O.O. Tešanj
- Vinko Mikulić, FEAL D.O.O. Široki Brijeg

Nakon diskusije obzirom da nije bilo novih prijedloga Predsjednik je Odluke dao na glasanje. Nakon glasanja doneseni su sljedeći:

ZAKLJUČCI: A.D. 4.1. a) Odluka o Razrješenju Predsjednika i 2. (dva) zamjenika predsjednika Skupštine UPFBiH je jednoglasno usvojena u predloženom obliku;

A.D. 5.1. a) Odluka o imenovanju Predsjednika i 2. (dva) zamjenika predsjednika Skupštine UPFBiH je jednoglasno usvojena u predloženom obliku;

Nakon usvajanja odluke o imenovanju Predsjednika i dva zamjenika predsjednika Skupštine predsjedavanje Skupštinom je preuzeo Predsjednik Skupštine Amel Kovačević. Predsjednik Skupštine se zahvalio na ukazanom povjerenju i izrazio veliko poštovanje za sve što je rukovodstvo Udruženja i svi članovi uradili za prethodne 23 godine. Čast mi je i zadovoljstvo nastaviti tim putem i obavljati funkciju koju ste mi povjerali, istakao je predsjednik Skupštine.

Nakon obraćanja i čestitanja zamjenicima predsjednika, predsjednik Skupštine Amel Kovačević je nastavio sa vođenjem Skupštine i Skupština je pristupila daljem glasanju.

Nakon glasanja po tačkama dnevnog reda doneseni su sljedeći:

ZAKLJUČCI: A.D. 4.2. b) Odluka o Razrješenju Članova Upravnog odbora UPFBiH je jednoglasno usvojena u predloženom obliku;

A.D. 5.2. b) Odluka imenovanju članova Upravnog odbora UPFBiH je jednoglasno usvojena u predloženom obliku;

A.D. 4.3 c) Odluka o razrješenju Lica ovlaštenog za zastupanje i predstavljanje UP FBiH je jednoglasno usvojena u predloženom obliku.

A.D. 5.3. c) Odluka o imenovanju Lica ovlaštenog za zastupanje i predstavljanje UP FBiH je jednoglasno usvojena u predloženom obliku

A.D. 4.4. d) Odluka o razrješenju članova Ekonomsko socijalnog vijeća za teritoriju FBiH je usvojena u predloženom obliku

A.D. 5.4. d) Odluka o imenovanju članova Ekonomsko socijalnog vijeća za teritoriju FBiH je usvojena u predloženom obliku.

Nakon imenovanja Predsjednik Skupštine je čestitao svima na imenovanju i dao riječ direktoru Mariu Nenadiću. Direktor Nenadić je upoznao prisutne da je Skupština i Upravni odbor odlučili da se na jedan simboličan način zahvali rukovodstvu Udruženja poslodavaca koje je kroz dva mandata više nego posvećeno i odgovorno rukovodilo Udruženjem. Naime, na osnovu člana 24. Prečišćenog teksta Statuta Udruženja poslodavaca u FBiH i Pravilnika o priznanjima u Udruženju poslodavaca u FBiH Skupština Udruženja poslodavaca u Federaciji Bosne i Hercegovine dodjeljuje rukovodstvu Udruženja poslodavaca, najviše priznanje „Velika povelja“. Ovo posebno priznanje dodjeljuje se u znak zahvalnosti i priznanja za izuzetan doprinos u razvoju Udruženja u zemlji i inozemstvu, te afirmaciji ugleda Udruženja, izuzetno zalaganje u radu organa UPFBiH i posvećenost unapređenju poslovnog ambijenta, te zastupanju interesa poslodavaca i doprinos u jačanju ekonomskog razvoja Federacije Bosne i Hercegovine. Priznanje „Velika povelja“, dodjeljuje se gospodinu Adnanu Smailbegoviću, predsjedniku UO UPFBiH, te gđi. Snježani Köpruner i gosp. Edina Ibrahimpašiću potpredjednicima UO i dugogodišnjim članovima UPFBiH. Ovo veliko priznanje, dodjeljuje se kao izraz najvišeg priznanja i zahvalnosti. Nagrade je uručio Predsjednik Skupštine i direktor Udruženja poslodavaca u FBiH.

6. Tekuća pitanja.

Po ovoj tački nije bilo diskusije.

Sjednica je završena u 14:00h.

Zapisnik sačinila:

Mersiha Jusić

Ovjerivači zapisnika:

Suhad Ećo

Enver Malagić